



DEPUTACIÓN PROVINCIAL
A CORUÑA

SERVIZO DE CONTABILIDADE

RESOLUCIÓN POLA QUE SE APROBA A LIQUIDACIÓN DE GASTOS E INGRESOS DO ORZAMENTO DESTA DEPUTACIÓN CORRESPONDENTE AO EXERCICIO 2022.

Don VALENTIN GONZÁLEZ FORMOSO, Presidente da Deputación Provincial da Coruña:

RESOLVO

PRIMEIRO: Aprobar a Liquidación de Gastos e Ingresos do Orzamento desta Deputación correspondente ao exercicio 2022, formulada pola Intervención a teor do establecido no art.191 do Texto refundido da lei reguladora das facendas locais, aprobado por Real decreto legislativo 2/2004, do 5 de marzo, e no art.90.1 do R.D. 500/90. O expediente da Liquidación do Orzamento provincial do exercicio 2022 foi formulado polo Servizo de Contabilidade, adscrito á Intervención Xeral, e consta da seguinte documentación:

- Estados numéricos da Liquidación do Orzamento de Gastos e Ingresos
- Remanentes de Crédito a 31 de decembro
- Acta de arqueo a 31 de decembro
- Resultado orzamentario do exercicio 2022
- Remanente de tesourería do exercicio 2022
- Informe da Intervención do 25 de xaneiro de 2023

O detalle das magnitudes económicas de final de exercicio é o seguinte:

A) RESULTADO ORZAMENTARIO DO EXERCICIO 2022:

| | |
|---|----------------------|
| 1. Dereitos Recoñecidos Netos..... | 244.114.173,89 |
| 2. Obrigacións Recoñecidas Netas..... | 229.347.832,26 |
| TOTAL R.P. SEN AXUSTAR I=(1-2) | 14.766.341,63 |
| 3. Gtos. Financ. Con Remanente de Tesourería..... | 48.093.320,69 |
| 4. Desviacións Negativas de Financiamento..... | 709.757,24 |
| 5. Desviacións Positivas de Financiamento..... | 205.570,25 |
| TOTAL AXUSTES II=(3+4-5) | 48.597.507,68 |
| TOTAL R.P. AXUSTADO (I+II) | 63.363.849,31 |

B) REMANENTE DE TESOURERÍA DO EXERCICIO 2022:

| | |
|---------------------------------------|-----------------------|
| 1) R.T. TOTAL | 332.742.164,80 |
| 2) AXUSTES | 3.561.329,08 |
| Saldos de dubidosa cobranza..... | 3.426.289,77 |
| Exceso de financiamento afectado..... | 135.039,31 |
| 3) R.T. PARA GASTOS XERAIS (1-2) | 329.180.835,72 |

SEGUNDO: Con base nos datos obtidos sobre a cualificación de Remanentes de 2022, de conformidade co establecido na Base 40ª de execución do orzamento provincial do exercicio 2022 e en aplicación ao principio de prudencia, aprobar a afectación do REMANENTE DE TESOURERÍA PARA GASTOS XERAIS ao financiamento dos gastos comprendidos nas situacións que a continuación se detallan e ás reservas que se expresan, polos importes que se indican:

| | |
|---|-------------------------------|
| A) REMANENTE DE TESOURERÍA PARA GASTOS XERAIS | 329.180.835,72 € |
| B) RESERVAS | 281.896.395,34 € |
| 1) Financiamento complementario para a incorporación de Remanentes de incorporación obrigatoria | 630.288,95 € |
| 2) Incorporación de Remanentes relativos a gastos comprometidos durante 2022 | 80.273.660,30 € |
| 3) Remanentes de crédito producidos durante 2022 que quedando en fase "A" teñan carácter incorporable | 59.990.660,72 € |
| 4) Incorporación de Remanentes relativos a Gastos en fase "RC" de 2022 con carácter incorporable | 35.060.259,03 € |
| 5) Reserva de Remanente para financiamento de Compromisos de Gasto adquiridos en exercicios anteriores a 1-1-22, non incorporables e pendentes de execución | 40.284.147,84 € |
| 6) Reserva de Remanente para financiamento de autorizacións de gasto adquiridas no ano 2022 e anteriores, de carácter non incorporable e pendentes de comprometer | 25.031.020,76 € |
| 7) Reserva de Remanente para financiamento de RC de gastos adquiridos no ano 2022 e anteriores, de carácter non incorporable e pendentes de autorizar | 10.545.182,39 € |
| 8) Importe do superávit orzamentario por operacións non financeiras (art. 32 L.O. 2/2012) | 30.081.175,35 € |
| C) Remanente de TESOURERÍA DISPOÑIBLE | <u>47.284.440,38 €</u> |

O importe relativo ao Superávit orzamentario por operacións non financeiras, que se inclúe no apartado 8.- do cadro anterior, ascende a 30.081.175,35 €. Con carácter xeral o Superávit de operacións non financeiras debe ser xestionado de acordo co establecido no artigo 32 e na Disposición adicional sexta da Lei orgánica 2/2012, do 27 de abril, de estabilidade orzamentaria e sustentabilidade financeira, na redacción dada a estes preceptos pola Lei orgánica 9/2013, do 20 de decembro, de control da débeda comercial no sector público, nos termos que estableza unha lei e deberá terse en conta o establecido na Disposición adicional décimo sexta do Texto refundido da lei reguladora das facendas locais, na redacción dada a este precepto pola Disposición final primeira do Real decreto lei 2/2014, do 21 de febreiro, ("*Investimento Financeiramente Sustentable*").

Non obstante, hai que indicar que os obxectivos de estabilidade orzamentaria, de débeda pública e de límite de gasto non financeiro das administracións públicas para o exercicio 2023 foron suspendidos por Acordo do Consello de Ministros do 26 de xullo de 2022 e do Congreso dos Deputados do 29 de setembro de 2022. Por tal motivo o Ministerio de Facenda e Función Pública ten manifestado que non se esixirá o cumprimento do artigo 32 da Lei orgánica de Estabilidade orzamentaria en relación co superávit de 2022 e o seu destino en 2023.

A contía resultante do Remanente de Tesourería dispoñible (apartado C) poderá incrementarse nos importes que as unidades xestoras consideren que non son necesarios para atender os gastos contemplados nos puntos 3, 4, 6 e 7 anteriormente citados e na contía que se considere imprescindible do Superávit de operacións non financeiras (apartado B.8)

TERCEIRO: Dar conta da Liquidación do Orzamento de 2022 á Comisión Informativa de Economía, Facenda, Persoal e Réxime Interior na primeira sesión que se celebre a partir da data desta Resolución, e posteriormente ao Pleno corporativo, en cumprimento do establecido no apdo.4 do art. 193 do Texto refundido da lei reguladora das facendas locais, aprobado polo Real decreto lexislativo 2/2004, do 5 de marzo.

Así mesmo, remitir copia da Liquidación á Administración do Estado e á Comunidade Autónoma en cumprimento co establecido no apartado 5 do artigo 193 do Texto refundido da lei reguladora das facendas locais.

Tamén se remitirá a información establecida na Orde EHA/468/2007, do 22 de febreiro, pola que se establecen as condicións xerais e o procedemento para a presentación telemática da liquidación dos orzamentos das entidades locais e da información adicional requirida para a aplicación efectiva do principio de transparencia no ámbito de estabilidade orzamentaria, e na Orde HAP/2082/2014, do 7 de novembro, pola que se modifica a Orde HAP/2105/2012, do 1 de outubro, pola que se desenvolven as obrigacións de subministración de información previstas na Lei orgánica 2/2012, do 27 de abril, de estabilidade orzamentaria e sustentabilidade financeira.